

بيست ء هفت مارچ

زندگى نائسه خلت ترو كو بندات آسه



پنٹاک | بلوچ نیشنل موومنٹ

بیست و ہفت مارچ

زندگی نا اہل خلیت تروکو بوندات آہے

معزز انکا بلوچ مخلوق!

ایہن تو بلوچستان نئی ہڑدے مون انکا دے سناوڑاے اتے کہ بلوچ مخلوق نا زندگی ٹی دنودے اس آف ہرائی جبرٹ بیگواہی اس مف، چیر و کوجون اس ختک، دروغ سنا مقابلہ و مچی ناسزا ک بلوچ جہد کرو کا تا خاندان آک ذہنی و بدنی عزاب آن گدرینگس، تیبہ بلوچستان نئی حالیت ہندون جوڑ مسونے ہرائن مخلوق نا زندگی آسے جاگہ آسلو کے۔

اگہ بیست و ہفت مارچ سنا ہیبت اے سکین تو بیست و ہفت مارچ بلوچ قوم آکن آسے مون اودے اس پاننگ اک دادے آپاکستان نا آرمی و اونا ادارہ خاک بلوچ ڈغار نازی آقوضہ کریر بلوچ قوم سنا ثقافت اے، سماج اے، سیاسی، تعلیمی و معاشی حوالہ آٹ زندگی گدرینگ ناکل کسرتے بند کرینے۔ بیست و ہفت مارچ ہمو خلک تروکا دے نابندات اے ہرائن بلوچ قوم سنا شناخت و تینے بلوچ چاننگ نامسلہ تون مون پہ مون کرینے۔ داخلک تروکا زندگی آن

تینے بچپنگ ناآسہ حل اس بلوچ تون ارے او اسٹ اس اے آجوبھی کن
 جنگ کنگ اے، مزاحمت آن بیدس خلٹ تروکا زندگی آن خلاصی
 رسینگ نہ کہ پاکستان ناظلم و جبر و ذلت نازنگی آن خلاصی مریک

غیرت مند انکا بلوچ مخلوق!

بیست و ہفت مارچ نا تاریخی آراستی اے اگہ نن ہر ن تو باز انکا گڑاک ننا
 مون آبریرہ ہمو تم کہ دنیا نا بھلا جنگ (جنگ عظیم) نئی برطانیہ ناسرکار اے
 معاشی و جنگ ننا میدان نئی بھلونسخان رسینگا تو ریاست برطانیہ داخطہ آن تینا
 اجارہ داری اے لیسرکننگ کن ہندوستان اے اراجا گہ غا بشما ہندا نا پڑ آن
 پاکستان ناوڑے ریاست نس و دی مس پدا پاکستان اے کمک کریسا آسہ منصوبہ
 سیٹی بلوچ ناسر زمین اے پاکستان نا ڈوٹی ٹس۔

تاریخ ناراستی و دستاویزات آتے آن داہیت ثابت مریک کہ یانزدہ اگست
 1947 آبرطانیہ ناسرکار بلوچستان نا آجوبی نا اعلان اے کرے بلوچستان نا
 آجوبی اے پاکستان و برطانیہ ہر تو ماک متار۔ تاریخ داہیت ننا ہم ثبوت اے
 اینک کہ بلوچستان نا آجوبی نا دے آ مخلوک تون ہییت کریسا پارے ننے

بلوچستان ناسلامتی کن ہروڑنا قربانی آن چک و پدمروی اف ودانا وعدہ اے ہم کرے۔

بلوچ قوم سنا تاریخ نئی داہیت ہم نقش اے کہ میر احمد خان بلوچستان نا اجارہ ٹی بلو کا علاقہ تے ہلنگ کن پاکستان نا گورنر جنرل محمد علی جناح اے بلوچستان نا وکیل کرنے و لے تینا دھو کہ بازی ناعادت آن مجبور پاکستان سازش تاجال اے تالان کریسا اجارہ ٹی بلو کا علاقہ تے بیدس میر احمد یار خان نامونا تینتون آسے جاگہ منگ ناسلہ اے تس ہمو دے بلوچستان نادار العوام و دار الامرا ہڑتو ماک منتور و آسے جاگہ منگ نا خلاف جنگ و مزاحمت نا اعلان اے کریر۔

بلوچ زمین نافرزند آک!

سازش تا سلسلہ بھلن مریسا کرے آخر نئی ہفتہ مارچ 1948 آریاست لسبیلہ، خاران و مکران اے غیر آئینی و ڈسٹیٹ تینتون اوار کننگا ہمو نا خلاف بلوچ مخلوق سخت مزاحمت کریر آخر 1948 آقلا ت نازی آپوج کشی کننگا بلوچستان نازی آقوضہ کننگا سیاسی کارکن آتے بندی کننگا ہمو وخت ناسیاسی پارٹی قلات اسٹیٹ نیشنل پائی اے کالعدم کننگا، دا غیر قانونی و غیر بندغی

عمل ناخلاف پرنس آغا کریم خان ناسلاخ و سونج سٹ مزاحمت نابنیات تخنگا
پداہمودے ہم دھوکا سیٹی ختم کننگا۔

بہادرانگابلوچ زمین ناچٹناک!

بلوچ قوم سنا تاریخ مزاحمت سٹ چاننگک ہمو پرتگال سامراج آن ہلیس
انگریز سامراج ناخلاف مزاحمت کریسائینا قومی تشخص نا حفاظت اے
کرینے، نواب محراب خان نامزاحمت اینو ہم تاریخ ناحصہ اس جوڑ مسونے و
ارے او شہادت نادر جہ اے سرمس و اینو اسکان ننا سٹ آئیٹی زندہ اے،
اینو ہم ہزار آتا حساب سٹی بلوچ ورناک پاکستان ناٹار چر سیل آئیٹی خلٹ ترو کو
زندگی نس گدریفسا او، سد آتا حساب آبلوچ سیاسی مزاحمت کار آک شہید
مسنو اینو ہند مزاحمت ناوجہ آن جہد کرو کاتا خاندان آک مچی ناسرنا عمل
آن گدرینگسا اودار یاست پاکستان ناشکست کنگ نا بھلو ثبوت اے۔

بلوچ زمین ناوارث آک!

ننا پیرانگاک ہر زمانہ ٹی مزاحمت ناکسراے ہلکنو تینا قوم ننا تشخص و قومی آبرونا
 حفاظت اے کرینو۔ اینو ہم ننا قوم تینا قومی تشخص و آجوتی ہلنگ کن جُہد
 کریسا اے۔ اینو دانا ذمہ واری جوڑ مریک کہ نن تینا قومی آجوتی اے ہلنگ
 کن مزاحمت ناکسراے ہلین قومی آجوتی اے اُسٹ سٹ تخنیا سیاسی و
 مزاحمت کروکا تنظیم آتا حصہ جوڑ مرین و دانا مضبوط کنگ کن ہروڑ نامدت و
 کمک آن چک و پد مفن۔